

改姓善滋亦其義也雖無書可證而可以類推

〔續日本紀二十九〕神護景雲三年六月乙卯詔曰神語有言大中臣而中臣朝臣清麻呂兩度任神祇官供奉無失是以賜姓大中臣朝臣

〔東大寺要錄六〕大中臣事

姓氏錄第十一云神護景雲三年右大臣中臣朝臣清鷹加賜大字厥後延曆十六年定成等四十八人同賜大字同十七年船長等卅七人加賜大字自餘猶留為中臣朝臣

〔中臣氏系圖〕木工助從五位下大中臣朝臣伊度人神祇伯兼祭主從四位上中臣朝臣逸志一男也

右太政官以去元慶元年十二月廿五日下午民部省符得從五位下中臣朝臣伊度人解僭檢本系大

中臣朝臣姓元中臣朝臣也故致仕右大臣正二位中臣朝臣清萬呂景雲三年六月丁酉特有優詔加

給大字此後經十九箇年故雅樂助從五位下中臣朝臣宅成故散位正五位下中臣朝臣鷹主等申官

解僭准故致仕右大臣被加給大字者太政官延曆十六年十月十五日同十七年六月廿六日兩度下

民部省符依請給之者于時伊度人之曾祖父正五位下中臣朝臣道成偏依舊姓不勞申加也道成之

男故伊賀守從五位下益繼益繼之男故神祇伯從四位上逸志等猶帶中臣姓奉朝廷供神事爰伊度

人等與大中臣氏本源雖同姓氏以異至于末代必須疎遠仍擬請加大字之間幸會昌運今年十一月

廿一日被賜榮爵披其位記被加大字須先申改位記而後請加大字□□事意非無物煩望請遇此際

會不更改正便與高祖父從五位下石根之玄孫十九人共准宅成應主例被加給大字同姓一心奉仕

明時謹請官裁者大納言正三位兼行左近衛大將陸奧出羽按察使源朝臣多宣奉勅依請者宜承知

依宣行之符到奉行者然則自今以後不可有中臣朝臣姓以上延喜本系載之

〔三代實錄六〕貞觀四年二月廿三日壬戌右京人正六位上行主水令史中臣朝臣坂田麻呂賜姓大

中臣朝臣與大中臣同祖也